



Klub poslanika Naša stranka – Nezavisni blok

Broj:

Sarajevo, 11.05.2021. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLIENO:	11-05-2021	Redni broj	Broj priloga
Organizaciona jedinica	Klasifikaciona oznaka		

01-50-1-1013 / 21

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r gđa. Borjana Krišto, predsjedavajuća

Na osnovu člana 170. stav (1) Poslovnika Predstavničkog doma Parlamentarne skupštine BiH (prosljeđivanje na nadležno postupanje), podnosim

**POSLANIČKU INICIJATIVU
ZA
GRAD SARAJEVO
OPĆINU CENTAR
OPĆINU NOVO SARAJEVO**

- Da se trg/plato ispred Tehničke škole, na uglu ulica Zmaja od Bosne i Halida Kajtaza nazove „Trg Denis Mrnjavac“;
- Da se na tom trgu postavi spomen obilježje Denisu Mrnjavcu i svim ostalim žrtvama vršnjačkog nasilja
- Da se na ili pokraj tramvajskog stajališta „Tehnička škola A“, preko puta zgrade Ambasade SAD, postavi spomen ploča sa prikladnim sadržajem koje se odnosi na sjećanje na Denisa Mrnjavca i koje upozorava na opasnosti vršnjačkog nasilja i poziva na suzbijanje istog.

Obrazloženje:

Denis Mrnjavac bio je šesneastogodišnji učenik drugog razreda Gimnazije Katoličkog školskog centra u Sarajevu. Prije 13 godina, 6. februara 2008., na brutalan i bezobziran način, ubili su ga huligani u tramvaju kod Tehničke škole. Ovo ubistvo je šokiralo Bosnu i Hercegovinu, ali i širi region, i stalno nas podsjeća na potrebu suzbijanja vršnjačkog nasilja.

Predstavnički dom Parlamentarne skupštine Bosne i Hercegovine je na 18. sjednici, održanoj 30.03.2021, usvojio Inicijativu o uspostavi nagrade „Denis Mrnjavac“ u spomen na njega i sve ostale djevojke i mladiće žrtve vršnjačkog nasilja. Ovu Inicijativu podržalo je i Udruženje mladih „Denis Mrnjavac“, koje je prije više od deset godina pokrenulo aktivnosti s ciljem prikladnog obilježavanja sjećanja na Denisa Mrnjavca i drugih žrtava vršnjačkog nasilja na iznad navedenim lokacijama, odnosno u neposrednoj blizini istih.

Predstavnici Udruženja su u tom periodu održali brojne sastanke sa predstavnicima različitih nivoa vlasti, na kojim su zagovarali ovakve i slične ideje, ali je implementacija izostala.



Klub poslanika Naša stranka – Nezavisni blok

Uzimajući u obzir važnost ove ideje, činjenicu da u organima vlasti na koje se Inicijativa odnosi postoji jedinstveno razmišljanje po ovom pitanju (što također uključuje Kanton Sarajevo, u slučaju da saglasnost GRAS-a ili Ministarstva saobraćaja Kantona Sarajevo bude potrebna za potrebe ploče na tramvajskom stajalištu, te za potrebe konačne saglasnosti za imenovanje trga od strane Skupštine Kantona Sarajevo), te potrebe stalnog i vidljivog zagovaranja potrebe suzbijanja vršnjačkog nasilja, ova Inicijativa je nadasde opravdana i vrijeme je za implementaciju iste.

Konkretno, općina Centar je nadležna za pokretanje postupka za dodjelu naziva navedenom trgu. S obzirom da ovaj trg/plato trenutno nema naziv, dodjela naziva ne može otvoriti pitanja logističke ili praktične prirode kakva pitanja se pojavljuju kod izmjene postojećih naziva. Općina Centar je kao vlasnik navedene parcele također nadležna za njenu sanaciju i renovaciju ovog prostora.

Grad Sarajevo ima primarnu nadležnost po pitanjima koja se tiču spomen-obilježja. Napominjem da je Udruženje još ranije ishodilo izradu idejnog rješenja spomen obilježja, te je o tome upoznalo predstavnike Grada Sarajeva na više sastanaka koji su tim povodom s istim održani.

Navedeno tramvajsko stajalište, Tehnička škola A, se nalazi na području općine Novo Sarajevo, te su nadležnosti te općine, u eventualnoj saradnji sa GRAS-om i/ili Ministarstvom saobraćaja Kantona Sarajevo, vezane za postavljanje spomen ploče na toj lokaciji.

Predstavnici Udruženja su na punom raspolaganju svim navedenim, te ih je posebno neophodno konsultovati po pitanju svih aspekata izrade spomen-obilježja i sadržaja ploče. Predstavnici Udruženja, šta više, mogu biti od značajne pomoći u vezi svih drugih pitanja koja se odnose na ovu Inicijativu.

S poštovanjem,

Damir Arnaut

Poslanik u Predstavničkom domu